



Expediente:	03.I.843.2024.001
Código SXPA:	CT 102A 2024/092-0

RESOLUCIÓN DA DIRECCIÓN XERAL DO PATRIMONIO CULTURAL POLA QUE SE AUTORIZA A REALIZACIÓN DUNHA PROSPECCIÓN ARQUEOLÓXICA PARA O ESTUDIO DE IMPACTO SOBRE O PATRIMONIO CULTURAL DO PROXECTO DO PARQUE EÓLICO SEIXO E AS SÚAS INFRAESTRUTURAS ELÉCTRICAS DE EVACUACIÓN, NOS CONCELLOS DE A LARACHA, CERCEDA, CARRAL E ABEGONDO (A CORUÑA)

1.- Con data do 19.02.2024 recibíuse, no rexistro electrónico da Xunta de Galicia, un escrito da sociedade MOWE Energía I S.L. no que se solicita autorización para unha intervención arqueolóxica que se describe como segue:

Título do proxecto ***Prospección arqueolóxica para o estudo de impacto sobre o patrimonio cultural do proxecto do parque eólico Seixo e as súas infraestruturas eléctricas de evacuación, nos concellos de A Laracha, Cereda, Carral e Abegondo (A Coruña)***

Solicitante **Cristóbal Nodar Nodar** Autor **Cristóbal Nodar Nodar**
Promove **MOWE Energía I S.L.**

2.- Con data 22.02.2024, logo do exame do proxecto de referencia, o Servizo de Arqueoloxía emite o correspondente informe.

Consideracións Legais

1.- Os artigos 95 e seguintes da Lei 5/2016, do 4 de maio, de patrimonio cultural de Galicia (DOG núm. 92, do 16.05.2016).

2.- O Decreto 199/97, do 10 de xullo, polo que se regula a actividade arqueolóxica na Comunidade Autónoma de Galicia (DOG núm. 150, do 06.08.1997).

De acordo con todo o indicado, e no exercicio das competencias que teño atribuídas en virtude dos artigos 3 e 8 do citado Decreto 199/1997.

RESOLVO:

1.- Autorizar a **Cristóbal Nodar Nodar**, na súa calidade de arqueólogo solicitante, para a realización dunha ***Prospección arqueolóxica para o estudo de impacto sobre o patrimonio cultural do proxecto do parque eólico Seixo e as súas infraestruturas eléctricas de evacuación, nos concellos de A Laracha, Cereda, Carral e Abegondo (A Coruña)***, que se clasifica como actividade preventiva. O tempo de execución será de **35 días**.

2.- Os traballos suxeitaranse ás seguintes condicións:

a) O arqueólogo autorizado deberá comunicar as datas de inicio e remate da actividade. Ao remate da actuación, e nun prazo máximo de dez días, presentará un informe valorativo e no prazo de seis meses a memoria técnica.

b) No caso de que durante os traballos de prospección arqueolóxica se detectaran bens patrimoniais non catalogados, deberase grafar na planimetría achegada a proposta de delimitación dos elementos. O grafado dos elementos arqueolóxicos farase mediante a dixitalización dun polígono pechado que comprenda como mínimo todas as estruturas arqueolóxicas coñecidas do sitio ou a área de dispersión de materiais. O polígono delimitarase un metro ao exterior das últimas estruturas arqueolóxicas visibles, de non haber constancia que o xacemento se estende alén delas. Para os elementos puntuais (menhires, miliarios, achados soltos e similares) delimitarase un polígono regular (círculo) dun tamaño mínimo dun metro de diámetro co centro no propio ben.





c) De apareceren restos arqueolóxicos deberase informar, á maior brevidade posible, á Dirección Xeral do Patrimonio Cultural, que adoptará as medidas oportunas.

d) Unha copia do conxunto da memoria presentárase en soporte dixital, formato PDF ou compatible, asinada dixitalmente. Así mesmo entregárase, como anexo dixital da memoria, de forma presencial ou telemática, en estándares abertos ou de uso xeneralizado, polo menos os seguintes arquivos nos que estea garantida a interoperatividade:

- Planos da intervención arqueolóxica (plantas, alzados e seccións) en formato compatible con software de SIX e en formato reproducible que non supoña perda de definición ao escalalo. As plantas en arquivos separados e, de ser o caso, integradas no plano topográfico xeral do xacemento.
- Fotografías de calidade xerais e de detalle da intervención, debidamente identificadas ou acompañadas dun índice en formato texto.
- Inventario de materiais.

O rexistro e a documentación da actuación arqueolóxica que se presente deberá estar xeoreferenciada ao sistema de coordenadas ETRS89, coa proxección UTM no fuso 29 (código EPSG 25829).

e) No non previsto nesta resolución, observárase o disposto nos artigos 9 a 16 do citado Decreto 199/1997.

3.- Esta autorización concédese sen prexuízo doutras autorizacións ou licenzas que sexan necesarias, se é o caso, por aplicación doutras lexislacións sectoriais.

Notifíquese esta resolución ás persoas interesadas en cumprimento do artigo 40 da Lei 39/2015, do 1 de outubro, do procedemento administrativo común das administracións públicas (BOE. núm.236, do 02.10.2015).

Asinado electronicamente en Santiago de Compostela.

A directora xeral de Patrimonio Cultural
M^a Carmen Martínez Insua

